

**ADMODUM  
REVERENDO  
ALOYSIO  
GOTTARDI  
VENERANDUM...**

---



ADMODUM REVERENDO

**ALOYSIO GOTTARDI**

VENERANDUM PAROCHI OFFICIUM

IN ECCLESIA

SANCTÆ Mariæ DE PUTEONOVO

SOLEMNITER INEUNTI

**CARMINA**



PATAVI

TYPIS SEMINARI

MDCCCLXV

**p. Zero in pr.**

*Admodum colende Paroche,*

*Ut agnovimus esse Te aliis regendis oribus designatum, nobisque relictis ad eas abiturum, duplici quidem sensu vehementer affecti sumus, lætitiæ videlicet, atque mæroris; lætitiæ, quod cum hactenus in hac Civitate te plurimum commendaveris sollicitudine, atque doctrina in tuis muneribus ob-eundis, Te jure optimo ad Curam ampliorem, magisque honorificam admiraremur evectum; mæroris autem, quod Te amico integerrimo, et modestia, ac liberalitate præstanti, eodemque strenuo commilitone, vel tacite nos adhortante ad officia alacrius implenda, destitueremur.*

*Jam vero, dum ad creditam Tibi Paræciam hodierna die proficisceris, nobis spectantibus, quo animi ardore, quo concentu, quâ pompâ ejus Incolæ venienti occurrant, quibusque certatim studiis se tibi fidentes, ac paratissimos obsequi patefaciant, omnis propemodum mæroris, nubes corde evanescit, imo vero gaudium subit ejusmodi, ut*

*iterum seniore citharam sollicitemus, et carmina illis similia, quæ nuper lætantes deprompsimus Antistiti nostro amplissimo, et humanissimo, hæc Paræcias sacra visitatione lustranti, Tibi quoque, præclaro ipsius adjutori, effundenda aggrediamur. Sicut enim Illi exeruimus paucis contractas tersibus pro singulis trium mensium diebus anni proxime elapsi, sic Tibi proferimus iisdem numeris comprehensas pro diebus singulis duorum mensium eiusdem anni Cælestium laudes.*

*Quorum sane cum inclyta gesta piissime veneraris, et imitari non desinis, tum eosdem rogamus ex animo, ut pariter ac Duces Tibi feliciter eo contendenti præcedant, ibique diutissime commoranti præsidio futuri sint. Vale.*

*Monsilice die XXI Februarii 1863.*

ZERO PETRUS.  
 TEMPORIN BARTHOLOMÆUS.  
 DE-PIERO EVANGELISTA.  
 TUROLO FERDINANDUS.  
 GAMBAROTTO JOSEPH.  
 GIOVANELLI ALOYSIUS.  
 FACIOLI ALOYSIUS.  
 GATTO ALOYSIUS.  
 SARTORI FRANCISCUS.  
 QUAGLIO ANTONIUS.

EX

CALENDARIO PATAVINAE DIOECESIOS

---

JANUARIUS 1864

1. *Circumcisio D. N. J. C.*

**E**st pellis cultro Tibi secta, innoxie Jesu:  
Mi scelerum cordis non secet <sup>(1)</sup> ~~mi~~ <sup>(2)</sup> dolor? / ima/

2. *Octava S. Stephani Protomartyris.*

Æthere quem cernit Stephanus sibi stare, precatur,  
Stet Damascenâ vel tibi, Saule, viâ.

3. *Inventio S. Danielis Martyris.*

Heu, quî, traiectis instanti e marmore clavis  
Confixo Daniel stratus in asse jacet!

*Item Octava S. Joannis Evang.*

Non acie mentis, non flammâ excellat amoris,  
Qui Jesu accumbens hausit utramque sinu?

4. *Octava Ss. Innocentium Mm.*

Grege tener, hoc sertum tibi carpe, quod ira Tyranni  
Fulgidius peperit, quam peperisset amor.

*Item S. Telesphori P. M.*

A Petro bis quarte sedes, Telesphore, Petri  
Æmule, tum meteris, saeva jubente Pio.

5. *Vigilia Epiphaniæ D. N. J. C.*

Quanta Fides Arabas sceptroque, opibusque potentes,  
Vix cælo intuitos nobile Sidus, agit!

6. *Epiphania D. N. J. C.*

Hac nixos intrare specum, et procumbere cernas,  
Qua placido orantes excipit ore Puer.

Nam quibus aspicitur mortalis, et omnium egenus,  
His sursum afflatis Rexque, Deusque patet.

Hinc sistunt myrrham, cui non dubitabile corpus,  
Hac prius ungendum, quam tumuletur humo.

Hinc aurum expromunt, quod pendere regibus æquum est,  
Et Regem illustri munere suspiciunt.

Hinc unum veriti terrarum, æthræque patentis  
Artificem, huic thuris dona cremanda dicant.

*Pro reliquis diebus**Octavæ Epiphaniæ D. N. J. C.*

At quid, rex, Rege absistis? Quid, perfide abhorres  
Sponsor ab obsequiis, et nova bella paras?

Stragibus oh tandem bacchari desine; tellus  
Dissita securum, quem petis ense, tenet;

Quemque tibi ablatum dabitur non ante tueri,  
Quam rapiare pavens ipsius ante pedes.

Jam quæ rursum agitas? Puerorum haud sanguine pastus  
In profugos reges missa per arma furis.

O cæca impietas! Divinæ afflatibus auræ  
Præreptos vanis ausibus insequeris.

Præpropere antevolans vorat æquora, despicit iras,  
Ingreditur victrix regna Sabæa Ralis.

Hinc tumida insanum rabie, cædesque minantem  
Ad probra, ad mortem te maledicta trahent.

Hisque adeo in populos perfunctis munere Patrum,  
Ad Vitam, ad palmas gloria pandet iter.

7. *De Octava Inventionis S. Danielis M.*

Quo viso, ut Cæcus, jam lumen adeptus, ut omnis  
Euganea in lacrymas solvitur, inque preces!

8. *De eadem Octava S. Danielis M.*

Ad Dominam ex humili, Daniel, deposceris Ædem,  
Jamque elatus agis, Sole micante, viam.

*Item S. Laurentii Justiniani Protopatriarchæ Venet.*

Digna refers, Venetùm Præsul, quem Roma salutat:  
Salve o Pontificum, Justiniane, decus!

9. *De ipsa Octava S. Danielis M.*

Quid? Posita ex humeris negat illicet Urna moveri,  
Dum tonat, et pluviis grando refusa ruit!

10. *Item de Octava S. Danielis M.*

Nil trepida, Urbs Patavî: quâ sistit, nobile Divo  
Delubrum voveas, annuit Urna vehi.

11. *S. Hygini Pontif. M.*

Certat in osores Fidei, quam legibus æquis  
Acrior, et fuso sanguine Hyginus alit.

12. *Dominica infra Octavam Epiphaniæ.*

Cui Pater eloquitur, flat Spiritus, æthra patescit,  
Agnus Jordanis tacta fluenta sacrat.

\*



13. *S. Felicis Presbyteri M.*

A nece Te, Felix, tutatur aranea, Nolæ  
*Ju* Patrem: hinc funcli respuis esse loco.

14. *S. Petri Urseoli C. Ducis Venet.*

Urseolus, qui cellam Aulæ, Cornuque cucullum,  
 Summa perexiguus providus antetulit.

15. *S. Pauli Primi Eremitæ.*

Cura vigil Superûm nemoris Prior Incola, Paule,  
 Te dape corvus alit, flens humat ungue leo.

*Item S. Mauri Ab.*

Maure, stupende Parens, Benedicli gloria, Gallis  
 Grande locas Clastrum, cui quota lustra præes!

16. *S. Marcelli Pont. M.*

Maxenti, oh brutum horridius, qui bruta tueri  
 Marcello his Laribus jusseris, hisque mori!

17. *S. Nominis Jesu.*

Jesu! hoc Terra Patrem Te noscit nomine, Regem  
 Sidera, Victorem Tartara flexa genu.

*Item S. Antonii Ab.*

Junior Antoni, te sylvæ, et fratribus Ædes  
 Confertæ, et Satanes tela refracta stupent.

*Item Dominica II. ab Epiphania.*

En Deus et mensas hilarat conviva jugales,  
 Inque merum versis gaudia complet aquis.

18. *Cathedra S. Petri Romæ.*

Quâ sedet Omnipotens, Te jussit, Petre, priorem,  
 Tum Tibi suffectum quemque sedere jubet.

*Item Commemoratio S. Pauli Ap.*

Petre prius, tum, Paule, negas te noscere Jesum:

Quot lacrymis culpas ultus uterque luis!

*Item S. Priscæ V. M.*

Semianimem ad Priscam leo procidit immemor iræ,

Claudius hanc flammis, unguibus, ense necat.

19. *S. Canuti Regis M.*

Dania, fumantem Canuti sanguine fratrem

Passa vel imperium carpere, digna feres.

*Item Ss. Marii, Marthæ, filiorumque Mm.*

Ulla ne terrificent Natosque, Virumque pericla,

Quos Martha obfirmat, supplicioque præit?

20. *S. Fabiani Pont. M.*

Sacra Virûm gesta, atque inopes, Fabiane, recensens,

Hisque, Decî ad jussum, post tria lustra cois.

*Item S. Sebastiani M.*

Haud periit telis, iterum subit ora, Tyranne,

Dux tua, conteritur verbere, templa meret.

21. *S. Agnetis V. M.*

Quantilla ad Circum! Pietas, stupor omnibus: Agnes

Firma caput trepido subdere carnifici.

22. *S. Vincentii Mart.*

Vincentî haud flectunt vel blanda, vel aspera mentem,

Nec lupus, aut æquor membra inhumata rapit.

*Item S. Anastasii M.*

Civis Anastasii, et decies septena sequentum

Corpora inexploto, Persa, furore secas.

23. *Desponsatio B. M. V.*

Felix connubium, quo Matris gloria Sponsam,  
Ambos condecorat candida Virginitas!

*Item Dominica III. ab Epiphania.*

Jesu attolle preces, culpæ quem pessima turpat  
Lepra, magisque nitens efficiere vitro.

*Item S. Emerentianæ V. M.*

Agnetis flexa ad tumulum Soror exprobrat Urbi  
Grande scelus, lapidum nec timet imbre peti.

24. *S. Timothei Ep. M.*

Thura Deo, haud Satanæ, sic, Paulo afflante, Timotheus:  
Saxaque plebs Ephesi Patris in ora rotat.

*Item Dominica Septuagesimæ.*

Vin' te cum paucis capiat Domus alta? Vocanti  
Adsurge, et nunquam non famulere Deo.

25. *Conversio S. Pauli Ap.*

Quo properas, o Saule ferox? Quod vulgus ad Urbem  
Compede constrictum proripuisse furis?

En, cui bella moves, te voce retundit ab æthrâ,  
Te luce obfundit, præcipitatque solo.

Jamque et adesse vides, et se vel nomine Jesum  
Prodentem exaudis hostica cœpta queri.

Hinc trepidans, da, summe Deus, da nosse, precaris,  
Quæ modo, quæ posthac mî peragenda velis. (1)

Tresque subinde dies, licet experts lumine et escâ  
Atque orans tacitâ continere domo,

(1) Ore triumphantis tum missus, ubi omnia discas!  
Damascum, adjectâ vice ope fultus adis.  
Tresque subinde dies etc.

Hinc tamen exsiliens, Jesum quam fervidus effers  
 Damasci, et Solymæ, barbaricisque plagis!

*Item Commemoratio S. Petri Ap.*

Quæreris a Paulo, quem Jesu noveris hostem,  
 Petre, sed hoc nosces nomine quanta feret.

26. *Commemoratio Orationis D. N. J. C.*

Non crucis, at scelerum insontem, quatit horror, humique  
 Dejicit: orantis stillat ab ore cruor.

*Item S. Polycarpi Ep. M.*

Voce tuâ et Smyrnæ, et Romæ perculsa potenter  
 Hæresis in flammis te, Polycarpe, jacit.

27. *S. Joannis Chrysostomi Ep. C.*

Irruit in scelera, hinc rapitur bis Sede Joannes,  
 Redditur huic functus, proloquiturque suis.

28. *S. Titi Ep. C.*

Quo Creta ut patre, et quævis circum Insula gaudet,  
 Se dolet, ut genito, Paulus abesse Tito.

*Item Commemoratio S. Agnetis 2.*

Agnes e tumulo: Constantia, fide. Parentes,  
 Solvite justa Deo, quo redamante fruor.

29. *S. Francisci Salesii Ep. C.*

Calvino abducis, Francisce, regisque Genevam,  
 O cui non dulcis, non catus auctor opis!

30. *B. Antonii Manzoni, vulgo Peregrini Pat. C.*

Victu asper, sæclum fugis integer, orbe peragras,  
 Dum superâ, Antoni, sistis in arce pedem.

51. *Dominica Sexagesimæ.*

Virtutum ut segetem referas, cape semina sacri  
Aure lubens Verbi, corde reposta fove.

*Item S. Geminiani Ep. C.*

Te doctum Ambrosius, te Dæmon, et unda potentem  
Te Mutinensis habet, Gemminiane, Patrem.

## FEBRUARIUS

1. *S. Ignatii M.*

Ne mihi mitescant fera bruta, Ignatius oral,  
Hisque fruens molitur frux placitura Deo.

*Item Octava S. Pauli Ap.*

Vel minimum te, Paule, vocas, sed grandia Petri  
Principis haud impar mente, animoque geris.

2. *Purificatio B. V. M.*

Templum ex lege petis cum Nato, et munere, Virgo,  
Cui quam laeta Senex, quamque dolenda canit!

3. *S. Blasii Ep. M.*

Tot, Blasi, ægrotos, quemque angit spina mederis,  
Triplaque Sebastii te laniena rapit.

4. *S. Andreæ Corsini C.*

Obtigit Andreas tibi quantus, Fesula, Pastor,  
Qui decora Urbano magna ab utroque tulit!

5. *S. Agathæ V. M.*

O Agatha, ex colaphis, abscissoque ubere, et igni  
Quo celsum eveheris pulcrior in thalamum!

6. *S. Raymundi de Pennafort C.*

Pontifici, et servis, et Regi haud mira facesses,  
O Raymunde, maris qui pedes æquor aras?

*Item S. Dorotheæ V. M.*

Dorotheam neutra expugnas, quin dederis olli  
Utraque, et antevolas pugnam initura soror.

7. *Dominica Quinquagesimæ.*

Est nocte errorum tibi mens offusa: quid Ipsum  
Non magis, ad lucem quo revocere, rogas?

*Item S. Romualdi Ab.*

Quâ primæve seris pia Claustra, Camaldulis hospes,  
Ad lustra hic meritis bis duodena micas.

8. *S. Joannis de Matha C.*

Crux bicolor ter visa monet: properatque Joannes  
Christiadum ex Afris demere colla jugis.

9. *S. Apolloniæ V. M.*

Impavidæ extrivit dentes, quid et expedit ignem  
Tortor? In ardentes evolat illa rogos.

10. *Dies Cinerum.*

Iussa quater denas perfer jejunia luces,  
Qui culpa exsolvi, vel procul esse velis.

*Item S. Scholasticæ V.*

Imbre tibi immisso risere, Scholastica, nubes,  
Te mox in Superos, pura Columba, ferunt.

11. *BB. Septem Fundatorum Ord. Servorum B. M. V.*

Hisce jugis Servos lugubri insignit amictu  
Virgo Parens, flenti quos sibi flere lubet.

*Item Feria 5 a Die Cinerum.*

Ne sibi, ne sperent, orantibus adfore Jesum,  
 Queis germana fides Centurionis abest.

12. *Sacratiss. Spineæ Coronæ D. N. J. C.*  
 Quid? Lucis, Rerumque Sator fert Spinea Serta?  
 Ista, immunde, feras, ista, superbe cinis.

*Item Feria 6 a Die Cinerum.*

Et veniam imperti, et benefac generosius hosti;  
 Neu speciem ostentes, insimulesve boni.

13. *B. Eustochii V. Pat.*

Vivam agitat Satana Eustochium, exturbatque sepulcro,  
 Æde novâ illatam civicus ornat Amor.

*Item Sabato a Die Cinerum.*

Erigat ut fessos, Jesus freta turgida calcat,  
 Hinc rate desiliens quemque valere jubet.

14. *Dominica 1. Quadragesimæ.*  
 Ter Caput oppugnas, Dæmon, ter vinceris Olli:  
 Quid timeant ausus æmula Membra tuos?

*Item S. Valentini Presb. M.*

Lux oculis natæ, Fidei lux indita patri,  
 Bina Valentino monstra repensa nece.

15. *Translatio S. Antonii de Padua C.*  
 Tot sæcla Antonî cinefacto e corpore vivax,  
 Spes fida Euganeæ, lingua diserta, rubes!

*Item Feria 2. a I. Domin. Quadrag.*

Emicat e cœlo Omnipotens, sontesque relectos  
 Dat Satanæ, innocuos in sua Regna vocat.

16. *S. Julianæ V. M.*

Jesum nosse negas, negat hæc te, Præses Eleusi,  
Vel flammæ, et gladio tradita, nosse virum.

*Item Feria 3. a I. Dominica Quadrag.*

Vendentes, cathedrasque e Templo absterret Jesus,  
Unus in innumeros, flammeus ore leo.

17. *Faustini et Jovitæ Fratr. Mm.*

Brixia Faustinum, fratremque ex cæde micantes  
Cælo effert natos, hinc habitura Patres.

*Item Feria 4. a 1. Domin. Quadrag.*

Gens invisæ Deo, Jonæ mirabere signum,  
Prensaque septeni Dæmonis ungue gemes.

18. *S. Petri Nolasco C.*

Se dare pro servis stat Petro: adspirat aventi  
Virgo, paresque animas ad pia cœpta jugat.

*Item Feria 5. a 1. Domin. Quadrag.*

Vel canibus collata Parens exorat, et urget  
Cor Jesu, hinc laudes, et benefacta meret.

*Item S. Simeonis Ep. M.*

Ad Jesum senîor, despecta morte, Propinquum  
Quo propius Simeon e cruce forlis abit!

19. *Lanceæ et Clavorum D. N. J. C.*

Me, me, non Jesum, diro quem funere mersi,  
Confodiant clavi, mî secet hasta sinum.

*Item Feria 6. ab eadem Domin.*

E Cruce Fons scatet immensus, cunctisque patescens:  
O anima, hoc tergas quamlibet ægra luem.



*Item S. Juliani M.*

Intactum recipe ex æthra, comitumque cruentis  
Spectandum palmis, o Basilissa, virum.

20. *Hilarii Ep. C. Doct.*

O Hilari, occurrens tibi plaudit Gallia, Præsul  
Reddite Pictavis, splendide victor Arî.

*Item Sabato a 1. Domin. Quadrag.*

Eliam, et Mosen, non enarrandaque visum,  
Tres scandunt, Jesu prægrediente, Thabor.

21. *Dominica Quadrag.*

Testibus hisce Parens Hunc vestit luce, Magistrum  
Hunc e nube vocat, delictumque suum.

22. *Cathedra S. Petri Antiochiæ.*

Hic primum sedit (gaude, Antiochensis, honore!)  
Claviger æternæ, Petra, Columna Domus.

*Item Commemoratio S. Pauli Ap.*

O Paule, o flos Doctorum, quæ magna loquenti  
Gens tibi non cedit, subjiciturque Petro?

*Item Feria 2. a Domin. 2. Quadrag.*

Quem refugis vivens, Jesum, moriture, requires?  
Heus, cave ne culpis contumulere tuis!

23. *S. Petri Damiani Ep. Card. C. Doct.*

E cella ad Cathedram incedas, decoreris et ostro  
Pontificis columen, dux, Damiane, Patrum.

*Item Fer. 3. a Dom. 2. Quadrag.*

Quos Deus instituit, Legis parete Magistris,  
Hos licet abnormes dissona vita notet.

24. *Commemoratio Passionis D. N. J. C.*

Omnigenis ultro se pœnis integer Agnus

Subdit : nos meritis æqua subire gravet?

*Item Fer. 4. a Dom. 2. Quadr.*

Assideant Jesu ad solium, petis, inscia mater,

Quos Ille ad pœnas, interitumque legit.

25. *S. Mathiæ Ap.*

Quam bene, Mathia, officium sortite verendum,

Pro nequam Sedes te duodena capit!

*Item Fer. 5. a Dom. 2. Quadr.*

Quis mihi carcer hiat! Quæ pœna ululantibus illic,

Semper abesse Deo, cunctaque ab igne pati!

26. *Commem. Sacratiss. Sindonis D. N. J. C.*

O mihi præ cunctis potior, quæ Sindone inhæres

Mactati Effigies sanguinolenta Patris!

*Item Fer. 6. a Dom. 2. Quadr.*

Siccine, cui mortem scelerum velut ensibus inferis,

Hoc nondum vitâ ne rapiare paves?

27. *S. Margaritæ de Cort.*

Quem videt occisum? Flet lubrica Cortonensis

Tacta Deo, hinc pœnis non positura modum.

*Item Sabato a Dom. 2. Quadr.*

Patrem rursus adis, periture! Quid ille? Gementem

Amplexu, et lacrymis, omnimodisque fovet.

*Item S. Æmidii Ep. M.*

Æmidio quæ monstra satis? Caput ense recisum

Ipse manu attollens compita truncus obit.

28. *Dominica 3. Quadrag.*

O reserans mutum, claude os, quo Regis Averni,  
Dæmonia ut pellas, diceris auctus ope.

29. *S. Catharinæ de Ricciis V.*

Dulce sibi adflentem Jesus per vulnera figit  
Sæpe sua, et sursum te, Catharina, rapit.

*Item Feria 2. a Domin. 2. Quadr.*

En Patria in Jesum irrumpit sibi monstra negantem:  
Is medio sospes turbine pergit iter.



5830 797

*Cluctin variation*

(1) cordis — vindex

(2) ossa — inia

(3) in — Te

---